

●文學〔鑑賞與批評〕（續）

曹聚仁原著

陸機之論爲多方面之觀察工夫頗爲細密。彼固爲排偶之創導者。而持「道理爲本幹」之說。尙鮮靡靡之氣習。

與陸機同時者有摯虞輯有文章流別集於文章流別志論中見其立論「古之作詩者發乎情。止乎禮義。情之發因辭以形。之禮義之指。須事以明之。故有賦焉。所以假象盡辭敷陳其志……古詩之賦以情義爲主。以事類爲佐。今之賦以事形爲本。以義正爲助。情義爲主。則言省而文有例矣。事形爲本。則言當而辭無常。文之煩省。辭之險易。蓋由於此。夫假象過大。則與類相遠。逸辭過壯。則與事相違。辯言遠理。則與義相失。麗靡過美。則與情相悖。此四過者。所以背大體而害政教。是以司馬遷割相如之浮說。揚雄疾辭人之賦麗以淫。」

其旨意。蓋謂詩賦當以情義爲主。以事形爲佐。其論詩則推重四言。謂「夫詩雖以情志爲本。而以成聲爲節。然則雅音之韻。四言爲正。其餘。雖備曲折之體。而非詩之正也。」

劉宋范曄之獄中。與諸甥侄書。卽所以表其文學上之主張。謂一文患其事盡於形。情急於藻。義牽其旨。韻移其意。雖時有能者。大較多不免此累。政可類工巧圖績。竟無得也。……嘗謂情志所託。故當以意爲主。以文傳意。以意爲主。則其旨必見。以文傳意。則其詞不流。然後抽其芳芬。振其金石耳。……性則宮商。識清濁斯自然也。觀古今文人。多不全了此處。縱有會此者。不必從根本中來。」

其見解。蓋較陸摯兩氏爲精進。其以音樂統理文學。亦於文學評論中別樹一幟焉。

齊永明中。盛爲文章。吳興沈約。陳郡謝朓。琅琊王融。以氣類相推轂。汝南周顥。善識聲韻。約等文皆用宮商。以平上去入爲四聲。以此制韻。不可增減。世呼爲永明體。此雙聲疊韻。彼時乃惹起文學上之重大關係。沈約所提四聲八病。八病當時稱爲八體。後人之稱爲八體。之說。甚爲世所推重。沈約答北魏甄琛書中謂

「作五言詩者。善用四聲。則諷詠而流靡。能達八體。則陸離而花潔。」

八病者。平頭、上尾、蜂腰、鶴膝、大韻、小韻、正紐、旁紐。是也。分論之如左。

(甲) 平頭——二三四五。第一句 六七八九十。第二句

第一字第二字不宜與第六第七同聲。若能參差用之。則可矣。如

芳時淑氣清

提壺臺上傾

「芳」與「提」、「時」與「壺」。皆平聲。不合式。又如

樹表看猿挂

林側望熊馳

第二字「表」

第七字「側」。均爲仄聲。亦不合。必如

秋月照綠波

白雲隱星漢

「秋」與「雲」

「月」與「白」

交互同聲。方爲合式。

(乙) 上尾——二三四五。第一句 六七八九十。第二句

第五字第十字不可同聲。同聲者病。如 西北有高樓。上與浮雲齊。「樓」與「齊」。均爲平聲。故不合式。然此病在於不合韻。若合韻。則不爲病。如 青青河畔草。綿綿思遠道。是也。此上尾齊梁以前。時有犯者。齊梁以來。無有犯者。此爲巨病。

(丙) 蜂腰——二三四五。

以蜂腰名者。兩頭粗。中央細。似蜂腰也。沈約曰「五言詩之中。分爲兩句。上二下三。凡至句夾並須要殺。」蓋謂一句分成兩段。二五不可同聲。如

聞君愛我甘、窈獨自雕飾、徐步全門出、言尋上宛春。卽犯蜂腰之病也。而詩髓腦云。「蜂腰者每句第二字與第五字同聲是也。如古詩之「聞君愛我甘。窈獨自雕飾」元競云。「君與「甘」非爲病。」獨與「飾」是病。所以然者。如第二字與第五字同上去入皆是病。平聲非爲病也。此病者輕於上尾鶴膝。均於平頭重於四病。」

又文章儀式云。「第一字與第四字同聲亦不能善。此雖世無的目。而甚於蜂腰。」

(丁) 鶴膝——此病謂詩之第五字與第十五字同聲也。以鶴膝爲名者。兩項細中央粗似鶴膝也。如

第一句

一二三四五。

第二句

六七八九十。

第三句

十一十二十三十四十五。

第四句

十六十七十八十九二十。

撥棹金陵渚、遙流背城闕。浪戚飛船影、山掛垂輪月。

是也。

沈約東陽著辭曰。「若得其會者。則唇吻流易。失其要者。則唯舌塞難。事同暗撫失調之琴。夜行坎坷之地。」又曰。「人或謂鶴膝爲蜂腰。蜂腰爲鶴膝。疑未辨。」又空海之說曰。

「此曰第三句者。舉其大法耳。但從首至末。皆須以次避之。若第三句不得與第五句相犯。第五句不得與第七句相犯。犯法準前也。」

(戊) 大韻——大韻者第十字押韻。以前九字不可與之同韻。同韻則病。如

一二三四五、六七八九十。
〔紫翮拂花樹、黃鸝開綠枝、誰知遲暮節、悲吟傷寸心〕是也。

然作者有故爲疊韻者。不在此例。

(己) 小韻——小韻者九字中有兩字同韻也。如

一、二、三、四、五。六、七、八、九、十。搴簾出戶望。霜花朝漾日。夜中無與語。獨寤撫躬歎。

(庚)旁紐。「旁紐」正紐諸家之解釋均難得其要旨。茲先明旁紐正紐之義。秘府論引崔氏語云。
「傍紐者。」

○風○○小——月○○膾——奇○今○——精○○酉
○表○○豐——外○厥○——琴○羈○——酒○盈○

紐聲雙聲者

○土○天○○陽——煙○

右已前四字縱讀爲反語。橫讀爲雙聲。錯讀爲疊韻。故旁紐者同子聲也。正紐者同母聲也。

詩中每句除二字連用爲雙聲以外。切忌隔字爲雙聲。五字中最忌十字次之。如

「魚游見風月。獸走畏傷蹄。元生愛皓月。阮生願清風。」卽犯此病也。

(辛)正紐。「空海曰。正紐者。一韻之內。有一字四聲分爲兩處。是也。」如

「輕霞落暮錦。流火散秋金。」卽犯此病也。

八病之說都如右述。在嘗時風行一時。究其實際。則拘束情思。於文學上絲毫無補。

梁之蕭統與蕭綱持文學與道德分馳之說。爲文學評論中之卓見。蕭綱與湘東王書云。

「比見京師文體。懦純殊常。競學浮疎。爭爲闡緩。玄冬修夜。思所不得。既殊比興。正背風騷。……」

若夫六典三禮所施。則有地吉凶嘉賓。用之則有所。未聞吟詠情性。反擬內則之篇。操筆寫志。更

摹酒誥之作。遲遲春日。翻學歸藏。湛湛江水。遂同大傳。

又與其子書曰。立身之道與文章異。立身先須謹重。文章且須放蕩。

蕭統與湘東王書云。

「夫文典則累野。麗則傷浮。能麗而不浮。典而不野。文質彬彬。有君子之致。吾嘗欲爲之。但恨未適耳。」

又文選序中論經子謂其「蓋以立意爲宗。不以能文爲本。」

論史傳謂其「所以褒貶是非。紀別異同。方之篇翰亦已不同。」皆千古不朽之至言也。(未完)

御駕北直右畿行程記事(續) 〔御前文房副司長潘春寶奉艸〕

二十日。^{即四十}早六點半奉自清化起駕。八點十五秒。御覽安美歌批所。是處廣約四千西畝。有設綵棚獻酒。迎接隆重。九點十五秒奉御車起行回乂安省。伊省督臣並貴住使恭迎。御駕于地頭。津次清化督臣隨駕至乂安省蒞。十一點半。駕抵乂安省城。御入行宮駐蹕。先是諸屯習兵于行宮門前應直候奉。駕至鼓樂舉鎗施禮奉。御進內少歇。十二點設朝受賀于行宮。伊省臣遵焰儀注恭行慶賀禮訖。督臣恭讀賀表。貴住使恭讀祝辭奉。上答祝訖。伊省臣及轄下休官紳士並貴官商齊來取次恭謁。奉頒賜徽章各有差。所有伊省臣賀表奉抄于左。

乂安省臣等稽首頓首謹上言茲欽奉。御駕北巡抵臣乂安省行宮駐蹕。鳳輦雲扶。龍顏日繞。闢境之山河煥色。一天之草木回春。臣等誠懼誠悅。謹奉表稱賀者。伏以日麗天中。離炤仰繼明之象。風行地上。觀化孚顯若之忱。黃屋光臨。青藩溢慶。臣等竊惟。體元居正。聖人高拱於穆清。省方覲慶。王者作新其政治。溯太和之在宇。推上下之情通。故巡四岳而望山川。虞帝特急修禮。協辰之舉。撫萬邦而巡侯甸。周王思弘觀光。揚烈之猷。振古有光。於今復觀。欽惟皇帝陛下。聰明作后。智勇表邦。付託承玉几之遺言。心懷慎日。慈仁體璫宮之懿德。追協順天。遊學經十餘年。旣廣攬文明之治體。臨政纔三閱月。欲週知利病之隱情。謂古今之氣化不同。人民之習俗亦異。惟通變乃能成務。而設教要在觀民。誥命風傳。鑾聲雷動。指梅花於嶺下。上芝蓋於雲中。龍旂開五彩之文。雲霞並煥。鸞輅肅六龍。

之駕。花草爭迎。目中之土宇版章。心上之閨閣情狀。豈惟儀衛少徵求寡。遊豫比先王觀。將使道德一風俗同。禮樂自天子出。溯自紹治壬寅啓定戊午。迄今復覩隆儀。歷看鴻山左右藍水東西。臣庶舉手素願。臣等句宣責重。經濟才疎。仰承威德有加。幸保太平無事。遠邇鈞韶之夢。宸禁九重。煌煌星駕之臨。天顏咫尺。龍飛九五。果符利見之占。虎拜萬年。願贊揚麻之雅。臣等下情不勝歡慶歌頌之至。謹奉表稱賀以聞。

晚一點奉 御午膳于貴住使座事完奉 御探習兵屯諸西兵屯及醫病所。又 御探育嬰所。賜銀二百元。 御探學場工廠。在舊鄉試場 並安勇兵屯五點奉 御回行宮五點半奉 御接人民代表及

紳士于行宮後殿六點半奉 御接從事西南諸座所。皇派員人于行宮前殿八點。御膳在貴住使座。 二十一日即酉十^{八日}早七點奉 御巡幸乂安轄內。駕抵宜祿縣演州府城。御探西兵屯

盛德山屯。城縣屬安江之對岸 又奉 御抵南壇縣興元府。到處均奉準紳豪人民就近恭瞻三點四十秒奉

俸社。在武烈社藍 御探西南諸兵屯奉 御午膳在清漳縣憲朗社。俗名 帮朗電車停于月御回行宮八點半奉 御膳在督部堂。十點半省臣奉設款酒席于行宮。恭請 皇上御臨貴欽使大臣。護駕大臣。及扈從官員同來預席。現職南官從事貴座員職。並轄下官紳均赴陪席。妃娘分爲八佾舞花燈。奏樂章祝嘏。頃又放上天砲二株。砲株半燒。忽有飛艇一形。現出株上機轉艇飛入。人工巧好。舉座人皆歡笑。款酒辰有發賣花枝取銀助給南直難民奉 御買多數。

二十二日即酉^{九日} 早七點。又安督臣並命婦由都統臣 阮有識奏請趨入瞻觀。上許之。七點半奉自

父安行宮駕往河靜伊省撫臣 何叔恂貴住使丁車閣之 Delsalle 親抵渡水右岸恭迎。沿途均有路蹕。巡兵習兵應候。士子執慶喜旗祝賀。在城門外有設防門上結匾額一面大書「太平儀衛」四字。九點。駕抵河靜省城。自乂安至此。五一箕體茂。五奉 御入城。西兵南兵鼓樂舉鎗施禮。人民觀瞻甚衆。惟是日

偶遭小潦。雨雪載途。士女遊觀未能遂其所願。奉
御入行宮少歇。十點設朝于行宮受賀儀。注略
同清又二省。上念是日天雨。敕賜百官各于殿上侍立。屆辰行三扣禮訖。撫_臣恭讀賀表。貴住
使恭讀祝辭。現職官員文武休官人民代表同尊員職由撫臣恭導。貴官貴商由貴住使恭導。取次
恭行謁見禮。奉頒給各項徽章各有差。所有伊省賀聯並賀表奉抄于後。省城內賀聯。〔河出焉
洛呈龜。禎祥畢集。靜生明動。有勇威德並行。〕〔九五正當今日事。太平願上萬年書。〕使座前面賀
聯。〔衆星拱北辰居。一杯上南山壽。〕省城外賀聯。〔河清運會天生聖。靜鎮江山地效靈。〕先王省
方觀民設教。天子議禮制度考文。

河靜省臣等稽首頓首謹上言。茲仰見旌旆飄翻。鑾輿雲擁。梅嶺報回春之喜。蓮城孚來賀之忱。臣等誠懼誠悅謹奉表稱賀者。伏以
日麗天中。向日慶重光之會。踐行地上。觀鳳騰一豫之謠。黃道大開。青藩溢慶。臣等竊惟。復載之心天地。四海以爲一家。歛耕之省春秋。諸侯莫不用命。是以虞巡方岳。夏享鈞臺。古有行之。非無事者。我國朝仁厚立國。德澤在人。明命辛巳。紹治壬寅。國史紀一巡
盛。橫領以南。藍江以北。御詩留千古之香。奉我先皇御宇之年。紹先列聖傳心之法。一遊爲諸侯度。式彰文軒三同。是行近天子
光。共仰教聲四訖。於皇今日。敷貢前麻。欽惟皇帝陛下。資稟高明。春秋鼎盛。功裕蒙泉之養。謀承豐水之貽。多年聖域優游。歐
海之星槎初返。吉月尊陵省謁。鶴城之日轂載馳。旣思孝以奉先。且觀文而化下。謂自古辰巡盛軌。先王非樂爲遊觀。矧當今淮化
方針。民隱正期于洞悉。變篤光臨地面。冕旒仰觀天顏。益庭之拜稽趨跪。及辰暇豫。夾道之歡呼歌舞。今日太平。臣等職忝屏翰。
才非鑽鑿。隔歲綸首遙荷。奉玉靈而藩闢塵清。今秋玉諭祇承。仰帝德而鈞韶夢繞。惟凜晴共于夙夜。幸蒙感會于風雲。伏願驟帝馳
王。效天法地。孝極尊宮之奉。誠孚上國之交。如日方升。睿知以有臨也。體天行健。神化使民宜之。舉間亞兩歐風。快視一新之
氣象。此地鴻山燕海。同沾無量之恩波。臣等下情不勝激切屏營之至。謹奉表附賀以聞。

十點半。御探習兵西兵諸屯及醫病所十一點半奉。御午餚在貴住使座晚一點半奉。

御自使座抵行宮。頃間奉。御抵于祿縣探諸兵屯。又奉。御探屬德壽府諸兵屯住所。五點四十
五秒駕回。又安行宮駐蹕。辰有伊省城武廟守祀人等。恭進匾額一面。全用色紙製行。直看有「聖

壽無疆」四字。在右旁看有「龍飛九五」四字。在左旁看有「咫尺天顏」四字。頗有巧思。奉御頒銀二十元。是日。濱州府人黃琚恭進垂簾一幅。奉勅賞三項銀錢一枚。八點奉御晚膳在貴住使座。九點半奉御覽炤影。
二十三日。即西二十一日。早六點奉自又安駕回洞海。廣平路經河靜省之宜春、干祿、石河、錦川、奇英、廣平省之廣澤、布澤、廣寧等府縣。又安督臣恭餞。御駕至凌水辭回。十一點半。駕抵洞海。習兵舉樂捧鎗施禮。轄民設案拜賀。學生執慶喜旗嵩呼。人民拱于路旁。恭瞻不下數千餘人。奉御入行宮少憩。先是廣平撫臣阮禧並貴住使多陵絲都結 M. de gentille Duquesne 前往灤江。廣澤府迎。駕奉準先回省蒞。候十二點設朝于行宮。省臣炤如儀。注遵行慶賀禮。禮成。撫臣恭讀國語賀辭。住使恭讀祝辭。奉御答祝訖。奉準省臣及諸府縣員轄下官紳民表及在伊省讀貴官謁見。奉頒給貴官南宮各項徽章。育差所有伊省賀表奉抄于后。

廣平省臣等稽首頓首謹上言。茲仰見 譲傳五鳳。御乘六龍。直化喧車馬之聲。王者不淫于觀。君子所其無逸。光生黃道。喜溢青藩。臣等竊惟。日麗天中。大人協離明之繼炤。風行地上。先王體觀象以省方。故虞舜陟位之初。朝羣后于方岳。而夏禹受禪之始。會諸侯於塗山。奉我國朝。前則紹治二年。後則啓定三年。載舉辰巡之禮。彼都人士。外而列城以南。內而春城以北。同傾向慕之忱。自古有光。于今再見。欽惟皇帝陛下。克君克長。宜民宜人。道學承列聖之心傳。哲理博上邦之真旨。歷聖功之養正。歐山亞海。高深不憚梯航。當天職而宅中。白叟黃童。遠近咸孚祝聽。本心法推爲治法。增耕政憲之精花。急臨民在乎親民。廣播文明之佳核。開四千餘年新演幕。直超軋乎丁黎陳李諸明君。登二十世紀大舞臺。且頽頏乎英日美俄列強國。乍返西遊之駕。玉諭隨頒。尚殷北顧之憂。金輿見幸。始則詣肇祥山尊陵而行省謁之禮。繼則臨右直畿諸轄而廢辰邁之章。耕斂省而吾民以助以休。遊豫爲諸侯度。彝倫叙而遵王之道之路。訓行近天子光。搖搖之旗影來辰。吏治民情都歸睿鑒。歲歲(口邊)之鶯聲到處。學堂工廠儘入宸裁。響徹呼嵩。香水屏山而外。情孚望歲。兜峯麗海之間。一人元良。百姓親睦。臣等濫叨闢寄。承乏藩宣。撫德非才。雨施。翹靈渥于重天。何修比先王觀。願獻爲今日頌。臣等不勝瞻仰翹望之至。謹奉表稱賀以聞。

十二點半奉 御午膳在貴住使座。晚二點奉 御覽競渡帆船于使座迎涼亭。是亭築在省城上面對長江。即日下臨洲渚草木薈蔚。水勢灣環。登臨一望。景致鮮妍。殊能令人躊躇留戀而不忍去也。二點半 御探習兵屯是辰習兵演習體操以供 御覽奉 御頒給徽章有差。三點十五秒奉御探男女諸學場 上念是日正值禮拜。諸場士子應得休息。惟奉 皇上駕臨學生雲集候迎御駕 準以來日即禮拜第二日。諸學生又各得停課一个日子。四點奉 御覽長育壘是壘陶維慈所築也。一名定北長城。一名壘柴上自兜鍪山下至日麗汎長三千丈可容車馬所築有武勝關平關日麗關均砌以石外以禦鄭軍內以固邊境。江山名勝古蹟尙存。攷之遠東博古圖彰然其可鏡也。四點半奉 御回行宮八點奉 御晚膳在貴住使座九點半奉 御回行宮駐蹕。

二十四日即廿二早七點半奉 御往廣治省路經廣平省之廣寧麗水二府縣奉 御渡館螺津是津在廣寧麗水之夾界。地方官有設棚船迎駕。綵繩上結匾額一面書「王道蕩平」四字。九點四十分一秒經過麗水縣。十點經過黎縣。十點十分一秒駕抵賢良津次一名明良津奉 御上棚船奉 御坐于御椅渡江奉 御升電車直行路經巴角東河愛子橋十一點駕抵廣治省城由前門入直至行宮門前有結防門一上有「太平天子」四大字。行宮前有懸朱漆匾額一內刻「就日望雲」四大字。奉駕抵行宮。辰習兵舉樂捧鎗施禮。轄民設案拜賀。一如向上以北諸省奉 御進內少憩十一點半設朝于行宮。省臣炤如儀注遵行禮成。撫臣膺蓀恭讀賀表。貴副使晡西M. Boutefle恭讀祝辭。由貴住使坡移無M. Prévost現病告致副使代面奉 御答祝訖。省臣及諸府縣員轄下官紳民表及諸貴官取次瞻謁。所有伊省臣賀表奉抄于後。

廣治省臣等稽首頓首謹上言茲仰見萬字春回九天日麗翠花指而山河生色曠御臨而花草敷榮臣等誠懼誠喜謹奉表稱賀者伏以紫垣星拱六位端乾御之容黃道雲開八表觀泰亨之象獻陪法駕喜溢承宣欽惟皇帝陛下愷悌爲綱勵精圖治光承列聖祇奉兩宮蒙泉裕作聖功仁孝賢明聞天下鼎命光凝寶位謳歌朝覲曰吾君仰見節位親政以來惟以敬祖愛民爲務謂展謁告尊陵尊廟誠報本之所當先而辰巡觀民志民風尤古制之不可闕當保大萬年之七粵孟冬十月中旬敕下廷臣舉行盛禮考成規自明命至啓定等年禮選狩比先王觀率駕御于清乂至平治諸地方遊豫爲諸侯則尊城繞鬱葱之佳氣小山承蓋大岳扶輪到處皆持護之江山風伯清塵雨師洒道乾五而龍飛利見皆周之草木生輝革三而豹變蔚文復漢之威儀快觀臣等幸分潢派濫預青藩愧方面之旬官凜威顏于咫尺龍虎而風雲際遇真爲千載奇遭鶯鳳之郊野清平共慶羣方幸福遭逢若此報答謂何八千歲爲春八千歲爲秋椿壽願効晉齡之祝五百里侯服五百里甸服葵心長傾向日之誠臣等下情不勝歡欣鼓舞之至

十二點半奉御膳在行宮奉御探習兵屯並學場及醫病所。

御抵甘露縣準紳豪瞻謁繼又

御探福門墾所護駕大臣有設酒席恭接八點奉御晚膳在行宮先是懷恩公臣寶兼邊山刑部大臣

放簡三奉御入勤政殿原輔政親臣皇親機密列大臣文武廷臣趨入請安訖奉

御進

內百官咸退

仰奉皇上遊學多年中外臣民瞻依念切今奉回鑾親政云初特拳拳於尊祖愛民兩大

節諭準駕往清化省虔謁尊廟併往中圻以北諸省觀察民情風俗本源追念上以慰

列聖之英靈巡幸觀風下以洞民間之幽隱行間邀駕諸單均奉勅收而疾痛者悉歸于

心燭所在紳豪庶士均奉準瞻謁而下情得上達於宸聰故凡

御輦所經之處臣若民無不鼓舞

嵩呼咸欣欣然有喜色曰我後來無罰吾王遊以休也

(完)